



Ayuntamiento de Madrid

2
Echt darauff/nimbt der König widerumb/eben in derselben Stat Gendt/da irer beyder Herr Batter/der Kaysers Carl Hochlöblichster gedächtnuß/geboren/nach ihr der Herzogin anbeuolhenen/vnnd eingebnen Administration/von derselbē vrlaub:vnnd läßt sie im Augusto/von jme abscheiden/Er aber der König/zeucht im namen Gots/von dannē/wider in sein Königreich Hispaniē/in welchem sich der Religion halbē/allerley vnrathe anspinnen vnd einreißen wolte/die er daselbst/zustillen gehabt/vnd derhalben die Niederländer lassen müssen.

Man hat aber derselben zeit gemerckt/wie nit allein in Engellandt/die Catholisch Religion außgemustert/sonder auch in Franchreich/das Feuer angangen/vnd also zugehen wolte/wie es zuuor in Teutschlandt/mit Veränderung der Religion zugange. Derhalben so hat König Philippus/als welcher allein den Tittel Catholicus führet/wie der König vñ Franchreich dē Tittel Christianissimus/seiner Schwester/insonderheit Antonium Perenottum (Cardinal von Granuella/darnach worden) zugeben die Catholisch Religion/als Erzbischoff von Mechel/mitten im Niederlandt/gelegen/zu vnderhalten.

Es also wol gemelte Herzogin ins Gubernement eingetrette/vnd hat das Niederlandt/die zeit von acht Jahren/dem König ihren Brüdern zusonderm gefallen administrirt/auch allen vnrathe/der gewaltig in demselben Landt/durch die drey windt/so auß Engellandt/Franchreich vnd Teutschlandt/andē Prinzen von Drenge gewähet/der alsdā weiter geblasen/dardurch das ganz Landt entzündet/Mit zufahl deren/welche durch den/nach jme dem König/so wol in Religion als Politischen sachen gelassen friede/reich worden/vnd die güten täge/nit mehr vertragen oder leiden möchte/Dan in zeit diser Herzogin/ist im Landt vberflüssigkeit aller ding/vnd darauff gefolgt vbermüß/brodrucktheit/wie die Niderländer nennē/gewest/Da von nit allein hie obē in Hochteusch geruert/sonder auch in der Lateinischē LEONIS BELGICI Beschreibung/alle ding/von tag zu tag/erzehlt. Ja auch mit künstliche/auff Rhupfer gedruckten gemähen Historischer weiß angedeutet worden/Insonderheit pagina 35. 39. 43. 47. 51. 55. 59. biß auff 65. Das dazumal in Rota conuersionis Belgicæ beyde seindt ihm schwang gangen.

1. VBERTAS vnd LVXVS 2.

MARGARETHA

von Osterreich/Herzogin zu Parma vnd placenz
etc. Die Erste nach des Königs verruckhen/so die
Niderlande zugubernieren angefangen/
Anno 1559.

Ich hab bißhero angezeigt/wie der König Philips von Hispanien/vor seinem abscheiden auß den Niderlanden/ihren Zehen/absonderlich/die Länder (derē Landtasel biß in diervñ Chorographice ich hievor beschriben) zuuervalten anbeuolhen/Als Nemblich dem Prinzen von Drenge/dem Grauen von Egmond/dem Herrn von Courriers/dem Herrn von Montigny/dem Marggraffen von Bergen/dem Herrn von Barleimont/dem Grauen von Mansfelt/dem Grauen von Ober Embden/dem Grauen von Meegen/vnd dem Grauen von Arenberg/sambtlich Herrn des Ordens der gulden Fluß/die ich alle mit Augen gesehen/der zeit/als ich in den Niderlanden gewesen/dauon niemandt mehr in leben/als Graff Peter Ernst von Mansfeldt.

Man volge die sunff andern Statthalter/sonit insonderheit/sonder in gemein vnnd generaliter/den ganzen Belgischen Leuen/das ist/alle xvij Länder zuregiern/vom König/einer nach dem andern den Beuelch gehabt/vnd zuguberniert haben/vnder welchen ist gewest/die Erst/wie gemelt/Nemblich/ **MARGARETHA** sein Schwester/vnd des jekigen Herzogen von Parma Alexandri Farnesij Frau Mutter/welche sonderlich deshalben/von iren Brüdern/dem König Philippo auß Italia berueffen/vnd ihm Jahr 1559 mense Julio zu Gendt ankommen/Ulda Hochgemelter König/seinen lesten Orden der gulden Fluß gehalten/vnnd mit allen Herrn vnd Rittern desselben/der gemelten Herzogin/auß der Statt Gendt entgegen geritten/vnd dieselbig ganz freundlich/vnd Brüderlich empfangen/ihre alle ehr vnd Reuerentz erzeigt.

V.